



VÖG VOLAPÜKA.

,Daniil Morozov': vicifal
e redakan,
,shido2308@yahoo.com',
,Ekaterinburg', ,Rossija' / Rusän.

Jäfidot soĝa bevünetik Volapüka.

YELOD 33^{id}. NÜM: 10. 2023 TOBUL. PADS: 81 jü 88.

O Volapükaf lens valöpo!

Ämulo emäniotob, das jenotem Volapüka e speranta älabon patis sümik. Sümikos ätefon votükami dü period primik paka e flagis votükamas mödikum disinapüka. Posä Volapük pipakon love Yurop, el Schleyer: datikan püka < äprimom ad getön penedis lemödik de gebans püka okik ko mobs feafomama plu u läs gretika. No äsötom nedemön penedis et, bi pilautons fa Volapükans sevädik; zuo äne-mom püki nulik „datuvoti“, ab metafor at räyuna kaenik äkoedon cedön, das pük äs datuvot alik äkanon-la pamenodön. Seko ün 1887 datuval it äzepom dü Volapükakongred telid in ,München' menoda-mobis ömik. Atos ye te ästigädon mödikanis ad flagön menodis fovik Volapüka.

El Zamenhof: datikan speranta < pos püb tidabuka balid disina-püka okik ün 1887 id ägetom konsälis mödik (mu pato de ,Edgar von Wahl': Volapükan büik) tefü votükam speranta. Seko dokan: ,Zamenhof' < calöfiko äzepom menodamobis pülik. Plü sperant päpa-kon, plü menodamobs nulik mödikum ona äsüikons. Fino datikan speranta pämutom ad jenükön ün 1894 vögodami dö feafomam staböfik püka okik bevü lebonedans gaseda sperantik ettimik balik: ,La Esperantisto'. Pluamanum irefudon menodi somik, e siso ,Zamenhof' älesagom, das gebans mödikün it speranta no ävilons-la votükön püki okas e votükam öbinon dälovik te ün fütür, kü sperant pünudugon calöfiko da vol lölik.

E kis tefon-li Volapüki? Tefü atos openob omulo. E nu vipob alane gudikünosi valik. Redakan:

МОРОЗОВ
ДАНИЛ

COGED ZÜLID SE „COGIKOS VOLAPÜKIK” *fa hiel Rupert Kniele (1887).*

PÜK RIGIK (,KNEIE’).

Der Auftrag.

Geschäftsreisender; „Nun, mein Herr, haben Sie denn nichts bei meinem Hause zu bestellen?“

Ladenbesitzer: „O ja, bestellen Sie tausend —!“

Reisender (erwartungsvoll): „Tausend —?“

Ladenbesitzer: „Tausend Grüsse an Ihren Prinzipal.“

VÖNA=VOLAPÜK (,KNEIE’).

Komit.

Jafatavel: ‚Benə, o səl obik, ibə labons nosi bone-dən la dom obik?’

Label lemacema: ‚Lesi, bonedonsəd (sagonsəd) mili —‘

Tavel (valədik): ‚Li-mili —?’

Label lemacema: ‚Glidis mil cife onsik.’

VOLAPÜK PEREVIDÖL (,PHILIPPS’).

Komit.

Tedatävan: „Benö! o söl! Nos üfo dabinon-li, keli vilol bone-dön lä tedabüsid obik?“

Selidöpilaban: „Lesi! Komitob milati —“

Tedatävan (spetiko): „Milati-li —?“

Selidöpilaban: „Milati glidas lü cif olík.“

NOET FA ,H. PHILIPPS’. In caged at hiel Kniele ägebom tel-sinifigebi vöda Deutänapükik: ‚bestellen’, sevabo:

1. bonedön, 2. sagön eke bosí ön büded votana.

COGED DEGID SE „COGIKOS VOLAPÜKIK” *fa hiel Rupert Kniele (1887).*

PÜK RIGIK (,KNEIE’).

Schmeichelhaft.

Geschäftsreisender (vor einigen Tagen im Hôtel angekommen): „Nun, wie gehen die Geschäfte?“

VÖNA=VOLAPÜK (,KNEIE’).

Flätiko.

Jafatavel (enakəmöl bu dels anik in loted): ‚Benə, liko jəfs pləbons?’

X:83:2023

Hausknecht: „O schlecht,
heuer kommt gar nichts —
Gescheidtes!“

Domadunel: „O, badiko,
ayelo kamos lenos —
vusedik*!“

VOLAPÜK PEREVIDÖL (,PHILIPPS').

Flätöfiko.

Tedatävan (elükömöl bü dels anik ini lotidöp): „Benö! lio bü=sids plöpons-li?“

Domadunan: „O! badiko, ayelo kömon lenos — frutik.“

* In caged at hiel Kniele — Deutänapüko ätikölo — gebom vödi: ‚Gescheites‘. Vöd at kanon sinifön:

1. bos visedik,
2. bos frutik.

Is ye te sinif telid mögon. Vöna=Volapüko kluo vöd verätik äbinosöv: ‚pəfudik‘ pla ‚vusedik‘. In Volapük perevidöl te ladyek: frutik < pötöfon.

**COGED DEGBALID SE „COGIKOS VOLAPÜKIK“
*fa hiel Rupert Kniele (1887).***

PÜK RIGIK (,KNIELE').

Einverstanden.

Gräfin: „Ich muss nur noch
bemerken, dass ich gewohnt
bin, zu meinem Kutscher Du
zu sagen!“

Kutscher: „Ist mir so lieber,
Frau Gräfin — sag’n wir Du
zu einander!“

VÖNA=VOLAPÜK (,KNIELE').

Besiolo.

Ji-Gab: ‚Mutob te nog note-
dön, das labob kəsəmi keoləna
kəcani oba!‘

Kəcan: ‚Binos obe ləfikum
so*, o vom ji-gab! — sagobsəd
‚ol‘ balvoto.‘

VOLAPÜK PEREVIDÖL (,PHILIPPS').

Baiced.

Jigraf: „Mutob te nog küpetön, das labob kösömi ad keolön
bökan oba.“

Bökan: „Buükob atosi, o läd: jigraf! — sagobsös „ol“ lü od.“

X:84:2023

* In caged at hiel Kniele ätradutom vödiko fraseodi Deutäna=pükik: ‚Es ist mir lieber so‘.

Ad suemön cagedi at, mutoy sevön, das Deutänapüko mutoy distidön vü ‚du‘ (lüspikavöd nätimik) e ‚Sie‘ (lüspikavöd geböfik vü pösods no nätimiks e vü pösods gredäta distik). In Vöna=Volapük nog ädemoy disti at (‚=ol‘ : ‚=ons‘). Ettimo äge=böfos, das noubans e pösods gredäta löpikum älüspikons pösodis gredäta pülikum me ‚du‘. Güami älecedoy mu nenjemiki. Ün tim et, dinäd at äprimon ad votikön piano.

Cogeds votik i popübons.

KONOTÜL TUMYELA TELDEGID.

Säkoy radionabroadöpe sovyätarepüblikik: „Kisi nedoy-lu dunön pö splod taumanämetik?“ Broadöp gespikon: „Nedoy vilupön oki in bedastofed klinik e nevifiko kripön lü deadanöp.“

„Ab kikodo-li nevifiko?“ — „Dat no süükoy runädi nezesüdik sekü höladredäl.“ ☠️ 😊 😊 😊

Noet redaka. Is бүдүлс тefү bit komandabik pö katastrofs pakofons, bi suvo äkonsäloy ad gebön stofis valasotik pla flabүлс e dins medinik patik votik. Zuo ämutoy studön бүдүлис somik in stitods valik (juls, nivers, fabriks, ...) pla bligs cifik oka.

VOLAPÜK DÖNU TONON (NUN).

Vöno Volapük äbinon bal mekavapükas nemödik, kels älabons fomi tonik. Klu veütos, das vönaoloveikod at pafövon e Volapük paḡgebon i mudöfo. Sis gustul geban: ‚kroyxt‘ < medü Volapükagrup pö ‚Discord‘¹ notükon balspikotis mudöfik oka. Jinon binön Volapükän skilik. Geban: ‚Elegant Vampire‘² < jünü nesuviko kanitom Volapüko. El Daniel Morozov ü Shido setulo id enotükom pö ‚Youtube‘³ balspiḡkotis Volapükik. Id eregistarom videodotis anik ko spikäd Rusänaḡpükik dö jenotem Volapükamenoda, dat nek ogebon as jonül lestüḡma kol datuval fomi evönädiköl püka omik.

Yümaladets tefik.

¹ Vүd bevүresodik: ‚<https://discord.gg/BmKH27S>‘.

² Ladet bevүresodik: ‚<https://www.youtube.com/@elegantvampire>‘.

³ Ladet bevүresodik: ‚https://www.youtube.com/@Shido_Tatsuhiko‘.

KLOTS NULIK LAMPÖRA.

Mär fa ,H. C. Andersen' (1862), tiäd rigik: ,Kejserens nye klæder'.

Petraduton se Danänapük fa ,Hermann Philipps' (2023).

Mö yels mödik bü nutim lampör älifom, kel älöfom so vemo nulikis klotis jönik, das äfegebom moni lölik oka ad dekön oki pötiko. No äjäfikom me soldats oka, no äjäfikom me teat u spatavegam in fot, pläsif ävilom jonön klotis nulik oka. Pro düp alik dela älabom trelülaguni patik, e leigoäsä sagoy dö reg seimik, das binom pö konsälalef oka, is ai äsagoy: lampör binom in klotacem.

In zif gretik, kö älödom, ai äjenädos vemo yofiko; foginans mödik älükömons aldeliko. Tü del semik cütans tel äkömoms usio; älesagoms, das binoms vivans e das ökanoms vivön stof magifikün, keli ökanoy fomälön. Noe köls e däsinnod äbinons plödakösömiko jöniks, abi klots me stof at pinägöls älabons patöfi milagik, efe das älebons nelögädiks pro alan, kel no gudon pro cal oka u kel stupon nedälöviko.

„Ats ga binons klots süperik”, ätikom lampör. „Dub lenlabön onis, okanoböv datuvülön menis ut, kels no gudons pro cals oksik in reigän obik. Okanoböv distidön visedanis e stupanis. Si!, stof at povivonöd sunädo pro ob!” Ed ägivom moni mödik cütanes tel, dat öprimükoms vobi oksik.

Äreguloms kluo vivaparatis tel, ed äbitoms, äsva ävoboms, ab su vivaparats älaboms lenosi. Nes zogön äflagoms sadini feinikün e goldi magifik. Onis ädütoms okes it, ed ävoboms igo jü lat neita ko vivaparats vagik.

„Nu ga sio vilob sevön, vio vivans eprogedoms tefü stof”, lampör ätikom, ab jenöfiko älabom senäli boso bisariki in ladäl oka, ven ävättälom, das utans, kel ästupons u no ägudons pro cals oka, no ökanons logön oni. Fe äkredom, das ömutom no kudön dö ok it, ab too ävilom pas бүdön votani ad dalogön, vio dinäd ästadon. Mens valik valöpo in zif äsevons patöfi milagik stofa, ed alan äbinon desirik ad küpedön, vio nefägik u stupik nilädan oka äbinon.

X:86:2023

„Olesedob lü vivans ministerani bāldik snatik oba”, lampör ätikom, „okanom-la logön gudiküno, vio stof logoton, bi labom täläkti, e nek plāgom cali gudikumo ka om.”

Ministeran bāldik dinitik kluo ägolom ini lecem, kö cütans tel et äseadoms vobölo me vivaparats vagik. „God yufomös obi”, ätikom ministeran bāldik lemaifükölo logis oka, „stofï nonik ga logob”. Ab ati no äsagom.

Cütans bofik äbegoms ome ad nilikön, ed äsākoms, va dāsinod no jönon-la e köls no magifons-la. Älūjonoms vivaparati vagik, e minis-
teran pidabik bāldik äbleibom maifükön logis, ab no äkanom logön stofï, bi no ädabinon.

„Godö!” ätikom, „mögos-li, das stupob? Atosi neföro ecedob, e nek dalon sevön osi. Mögos-li, das no gudob pro cal obik? Nö! binosöv nesufovik ad sagön, das no kanob logön stofï.”

„Ga nosi sagor dö atos!” äsagom balan, kel ävivom.

„O! binon plitik, löliko magifik!” ministeran bāldik äsagom, da lün oka logölo, „dāsinod kion!, e köls kion! Si! osagob lü lampör, das pliton obi mu vemo.”

„Fredobs dö atos”, vivans bofik äsagoms, e nu änemoms kölis e dāsi-
nodi bisarik. Ministeran bāldik ädalilom küpälo omis, dat ökanom sagön otosi pö geköm oka lü lampör. E so ädunom.

Nu cütans äflagoms moni mödikum, sadini e goldi mödikumis, kelis öneodoms pro viv. Valikosi at ädakupoms pro oks it. Fad lenonik pägebon su vivaparat. Ye leigoäsä büo äfovoms ad vivön su viva-
parat vagik.

Fövot mära ofovon.

VÖDS ANIK IN VÖDEM LÖPIK PEGEBÖLS (LINGL., DEUT.):

dāsinod – pattern (on cloth, wallpaper, etc.), Muster (auf Stoff oder Tapete usw.);

dekaklotem – (ornating) attire, Putz (schmucke Kleidung);

kuravivan – court weaver, Hofweber;

lesiörakrod – Knight’s Cross, Ritterkreuz;

spuled – cobweb, Spinnwebe;

regulön (lov.) – to mount, aufstellen.

DOG ELAS ,BASKERVILLES’.

KAPIT MÄLID. ,BASKERVILLE HALL’ (5).

„Ostebolös ed ofidedolös!”

„Nö! mutob motevön. Utuvob-la vobodi anik flagöl kejä fikami obik. Osteboböv ad jonön domi ole, ab ‚Barrymore’ obinom geidan gudikum, ka ob. Adyö! e neai zogolös ad levüdön obi neito u delo, üf okanob yufön oli.”

Vabaluibs änelaodikumons pö vabam donio ve veg, du siör: ‚Henry’ < ed ob äkekömobobs ini lecem, e yan änoidülön nämöfiko pödü obs. Ireafobs ini lödöp jönik: vidik, geilik, labü bems mödik masifik binü kvärepaboad idofiköl dub bäldikam. In filetatopafön vönädavogädik fil äknätäron ed äsnipon me filamaboad pödü fönajelöm. Siör: ‚Henry’ ed ob ätenükobs namis obsik lü on, bi iflodikobs dub vegam lunik obsik. Poso äzilogedobs züamo; dins valik: fenät geilik rovik labü vitür bäldik pistenöl, jaläd kvärepaboadik, kaps stägas, skötaplatäds len völs < äbinons paeliks e trubiks pö lit nenämöfik lampada zänodik.

„Attop logoton, leigoäsä äfomälob oni,” siör: ‚Henry’ < äsagom. „Atos ga binon selogam lödöpa famülik bäldädik, vo-li? Tikoyös! das pö lecem ebo at бүрөлетанс обик әлифонс дү yels lultum. Atos kodon magädi dibätik pö ob.”

Äloegob litikön logodi dofik omik dub lanäl hipulik, du älulogom zü ok. Lit äbesvieton ütöpi, kö ästanom, ab jads lunik päjedons sui völs ed ädoniolagons äsvo nufül blägik sus om. ‚Barrymore’ idönukömom, pas imosumom päkemi obsik ini cems obsik. Nu ästanom lo obs, kondötölo sumä täliko, äsä dūnan beno pibetidöl. Äbinom man küpädik: geilik, gravik, labü balib blägik vidik e logodalienäds feinik paelik.

„Vilor-li бүдөн ad bebötön sänedi nenzogo? o siör!”

„Binon-li blümik?”

„Pas minuts vemo nemödik, o siör! Utuvors vati hitik pö cems orsik. Jimatan obik kobü ob, o siör: ‚Henry’! fredo

oblibof nilü or is sovüo jüs ulonülör leodükama=mesülis nulik, ab osuemor, das demü dinäds nulik dom at oflagon dünanis mödik.”

„Dinäds kinik-li?”

„Te ediseinob me vöds obik, o siör! das siör: ‚Charles’ < älifädöm lifi vemo soelöfiki ed äplöpobs ad kaledön neo=dotis omik. Dido ovilor labön flenis mödikum, klu oneodor votikamis pö konöm orik.”

„Diseinol-li, das vilol necalikön kobü jimatan olik?”

„Pas if atos kotenükon ori, o siör!”

„Ab famül olik äcalon pö obs dü menäds mödik, vo-li? Opidoböv sludi ad primükön lifi obik is me breik tanäta fa= мүlik vönik.”

Äsва älogob-la malis anik fäkama pö logod vietik do= mala.

„I senälob otosi, o siör! äsi jimatan obik. Ab koefo, o siör! obs bofik äbinobs vemo ledivodiks kol siör: ‚Charles’, e deadam omik ifäkükon obis ed ivedükon züamöpi isik vemo dolöfiki pro obs. Dredob, das neföro okanobs se= nälön obis koveniko in ‚Baskerville Hall’.”

„Ab kisi üfo desinols-li ad dunön?”

„No dotob, o siör! das obenoplöpobsös pö büsid seimik. Giviäl siöra: ‚Charles’ < iseikon obes monamedi ad duinön atosi. Ab anu, o siör! bo sötob jonön ores cemis orsik.”

Yal stedagulik labü balutastutöm äzugon löpo zü lecem bäldik, lü kel me tridem tel= tenodik älügoloy. De top zänik at luyals tel lunik ätenikons ve lun lölik bumota, dese kels slipacems valik äbinons rivoviks. Ut obik lönik ätopon pö flanäd ot, äs ela ‚Baskerville’ e ti len omik. Cems at iklülä= dons binön plüo nulädikums, ka zäna= top doma, e tapot le=

vielik sa kandels mödik ästeifons ad moükön magädi glu= mälik, keli köm obsik ikodon pö ob.

Fövot konota ponotükon.